

四庫全書

集部

欽定四庫全書

文忠集卷四十三

平園續彙三

宋 周必大 撰

古律詩六十八首 起嘉泰辛酉止嘉泰甲子

招隱

小松風颭颭長松風列列
遙知蒙溪上餘韻兩清絕
宦遊正可樂歸寧未應切待生
丁固腹徐化莊周蝶

寄題安福朱景源景雲所居二首

四始昭垂棠棣詩九江屹立義門碑請君更學張公藝
忍字常為一字師

右義聚堂項子刻江州陳氏義門碑遺其裔孫今以
奉送廣其傳

友悌人知天亦知風雷會變擇龍兒從今直節亭前後
枝茂宗生竹也慈

右直節亭唐王勃慈竹賦云宗生枝茂天長地久萬
祇爭盤千枝競糾如母子之鈎帶似閨門之悌友又

喬琳賦云九族睦叙孝友威儀是竹必滋五服相殘
骨肉攜離是竹必哀苟自家而刑國亦觸類而增悲
并錄以遺朱氏

管長源澥朝奉挽詞

青袍黃甲舊蜚英紫綬金章晚更榮隱德家傳遼北谷

脩齡人羨濟南生

君年九十二

墓中深刻同年筆

裁齋楊待制作誌文

世上難磨異日名識面有時追往事傷情無路奠佳城

萬安賴秀才家拾青樓

辛酉二月

經術逢辰富貴兼取名闕
未傷廉吏須喚作藏書閣
別貯鄴侯三萬籤

其二

高柳侵簷帶綠烟平林
逐望倚青天詩人不必工摹寫
留與恩袍色關鮮

靜菴曾伯盧機挽詞

往聞郭林山學易之指南
良齋從其子議論青出藍
授徒蘭溪上妙理常窮探
真旨傳何人著錄推靜菴
稱疾

似玄晏觀復師老聃芸芸已歸根弔客無多談

登仕郎曾忠佐迎母王于樂氏母許新居成即
歸于是築第少極輪奐母欲遷而逝乃虛中

堂榜之曰思永詩為賦

辛酉二月丁未

夏屋渠渠斲采椽筍輿就養有成言南陔已嘆薪吹棘
北戶空勞草樹萱堂上只容瞻像設寢中那復問寒暄
朝思夕念嗟何及彷彿神遊入夢魂

寄題江陵撫幹胡仲才榘官舍信義樓

彼美人兮樓楚都身親祭戰俯江湖賓僚遠使多賢者
共願飛鴻亦樂乎

其二

家在香城溪水邊冠霞飛閣切雲烟從軍樂事猶吾土
底用銷憂賦仲宣

胡祖居冠霞樓雄甚

追挽胡季文籍知縣

辛酉四月

萬人競渡一標歸鄉國今猶記錦衣芥藻再思俱有造
穀蒲連執搃成非風吹斂首空遺映日照禹中遽落暉

宿草縱存無路哭追懷往事共歎歎

送楊子正赴郴守羅達甫之招

使君為郡入蘇天六月清風更穆然子到同吟仙井橘
公餘稱賞北湖蓮

其二

誰傳衣鉢付楊雲卿子文鋒舊冠軍

達甫曾魁鄉舉

主合握蘭

賓折桂來春言語一時聞

七月十四日江西羨約周愚卿兄弟及許景陽

相過共觀鶴雛翎毛褐色因飲雙投新酒擘
閩中荔放白蓮池上遂成勝賞明日西美有

詩走筆奉和

起來汗浹似翻漿客帶清風變早涼鶴子曳衣猶淺褐
鵝兒對酒已深黃白蓮近揖三千女丹荔遐招十八娘
但把槐忙付年少不妨老伴燕林塘

江西美復送四景詩再次韻

同前

酉歲應知富酒漿頻年暫輟奏伊涼沼蓮不使紅侵碧

池鵲聊容白護黃照聖雖無駢火實

東坡荔枝詩炎雲駢火實此果已過

潔尊幸有絡絲娘西風早晚驅殘暑何日尋盟到野塘

時久闕兩回西美東就附小詩

君能多益辨我鼓再而衰安得催詩雨心搖畢月離

三次韻答江西美

菲飲簞壺食與漿淡交非復世炎涼佳名誰合戎州綠
妙語端由太史黃無怨不須移孔議有情未可老徐娘
荷香襲坐忘歸興不覺昏鴉影渡塘

四次韻

只因瑞露酌天漿，邂逅移尊越晚涼。
眼看碧幢躡蓋綠，心慚白鵠立槐黃。
飲隨人量陳三雅，興入詩懷咏四娘。

雲黑月離今驗矣，苦欣甘雨溢陂塘。

東坡老枝詩門外白袍如立鵠，莊子

鵠不日浴而白，並音鶴。漢書注：黃鵠下太液池，似誤矣。黃鶴樓即黃鵠，雀鵠聲相近，色亦然。

五次韻

客佳合饋五光漿，竹好仍生一味涼。
天與冰肌勝傅粉，星馳火色捷飛黃。
將雛華表宜丁令，喚渡京江憶杜娘。

屢枉新篇誰可擬一川烟草賀橫塘

四景詩似欠一篇五更枕上足成之錄呈西美

司書勿勞屬和僕亦偃旗閉壘矣

甘寒何必柘為漿也解逡巡造醴涼更喜鶴鳴添子和
休因荔進引蕉黃花如宋玉窺隣女詩似劉郎問秦娘
只欠西湖雙画舫便疑風景類錢塘

八月十八日與客小集賞品桂而紅梅海棠金

林檎盛開明日江西美賦四絕句走筆次韻

壯觀江潮拍岸時

錢塘是日潮極大

肯來小圃訪樊遲
天憐無

以娛佳客併發春花伴桂枝

龍泉李宗儒師儒兄弟槐陰書院
辛酉八月

君不見漢京辟雍載黃圖
博士直舍三十區
分行數百

曰槐市下有諸生講
唐虞又不見
今朝肇啟邇英閣
稽

古隆儒號經幄
風清枝翠似交舞
日暖花黃時
細落東

日侍邇英閣
瞳瞳日脚曉猶清
細細槐花暖
自零為內翰
謝御書詩云
日高黃繖下
西清風動槐
龍舞交翠注

閣前有槐
枝如龍形
君家欣慕名書齋
伯仲方將與計偕
橋門且

陪億萬計朝路終馳十二街義柳文筆妙天下引喻牛
行相君舍免哉值德企前修他日兒孫攀逸駕

龍泉項汝弼字唐卿盧溪書院

子名夢綬

往聞澹菴評鄉賢有朋曰項如麓塤是非褒貶乃枝葉
孝友忠信為本根姓名不願唱上第詔旨特許旌高門

項名充與胡忠簡公俱以春秋馳聲
不廷試紹興十年以行義旌表門閭化行同邑得模楷

經授猶子留淵源輕財重義績前烈築屋貯書貽後昆
誰歟漸磨入我室毋但涉獵游其藩泉江况多乃侍從

遠親二郭近則孫學成衮衮上臺省健駟萬里看騰騫

寄題龍泉李氏萬卷堂

燭之父

斷簡殘編已可披排籤挿架有餘師
五三載籍多為貴
九百虞初小不遺潤屋殊非阿堵物
傳家自是寧馨兒
年來鉛槧心猶在每憶讎書館殿時

安福歐陽紹之奉議桃花石二絕

蟠桃一寔歲三千仙傳荒唐未必然
何似此花留巧石
有開無落更長年

其二

武陵溪畔古桃源
洞合空勞記往還
晉代漁郎心不轉
隨花化石在人間

嚴寬桂崑堂二絕

崑桂標名本在山
城居翻似桂為崑
香浮仙籍書生事
早拜恩袍映彩衫

其二

卜築華堂已一年
花因舊植有新添
廣寒何待中秋到

明月清風即步蟾

次韵章茂獻謝茶并序 辛酉十一月

某比得閩焙小春馳獻侍講侍郎乃蒙佳什之賜且聞因任江祠輒次嚴韵併以為賀

墨瀟名高筆有花胸中五色補皇家諫書夜夜常焚案
講舌時時每賜茶秘祝重尋丹灶火長生元笑紫河車
新詩有味知何似雙井春來試白芽

太和宰趙嘉言汝謨造大舟付諸渡又停鄉村

酒坊代輸其課繪二圖各題小詩辛酉臘月

爭渡行人簇水邊
水中鮫鱈慣垂涎
從今只待跛男子
共載誰非利涉川

攤酒催錢吏打門
那堪嫁娶盡朱陳
稍捐官府秋毫利
散作鄉村浩蕩春

太和縣丞廳葺三亭于官廨曰真清謂松竹曰特

秀謂江山曰成蹊謂桃李又有讀書臺龍首池寄

題三疊壬戌三月

古來丞尚涉文書近世何曾識吏胥不對溪山種桃李

官居真復似僧居

諸色文書雖係丞階並不簽押

松竹林中讀異書公餘有味在三餘立之猶未登臺閣

予不負丞丞負予

韓文崔斯立名立之

池疎龍首水循除日暖游儵得自如官已忘機民正樂

子今知我我知魚

送綸丞郡章貢

壬戌四月二十六日

顛與吉予少遊馬綸久侍闕本謀迎侍而史君像先

侍郎亦見招云吾鄉永嘉倅廳有戲彩堂蓋趙岷貳
郡為清獻公作今吾州乃清獻舊治且公舊遊可惜
一來雖老病未能如約情見乎詞

雞犬新豐識江山清獻遊吾寧忘舊隱汝且事賢侯刺

酌廉泉水徐題戲彩樓

倅廳白鵲樓
八境之一也

明年更強健亦欲

理方舟

華文閣學士沈持要樞挽詞

百篇奧突上天桃一代英靈水出茗使節帥符周郡國

臺儲宮禁切雲霄趨庭祿養連三組御極恩章接四朝
行馬施門兼五福死生窮達祇囁囁

其二

官遊到處績皆凝名遂歸來望更增棋勢畫翻饒國手
蒲團夜坐敵禪僧風標常憶清如鶴書札頻通細若蠅
戲彩堂空詩版在未興者舊博吳興

寄題贛簿彭南夫讀書樓

壬戌八月

曾門嘗佐虎頭洲濟美人猶羨督郵三任今看孫又子

會持麾節繼前修

其二

江山不怕簿書迷
鸞鳳何妨枳棘棲
公退讀書消永夜
遥知太乙下青藜

劉訥畫廬陵三老圖求詩

同辭宦路返鄉閭
兩驕驕中間一駕前
後顧瞻羞倚玉
支干引從偶連珠
三人不用邀明月
九老何妨續畫圖
從漢二疏唐尹後
相親相近此應無

西美司書賦生璫瑁佳篇仍索鄙句奉和

重甲藩身却誤身誰教全體點斑鱗幸容生致池中物

忍使剝為席上珍刺買魚鹽便爾性養之之法日易鹽水飼以小魚閒

隨龜鶴稱吾真却思御合紋如豆侍食鈞天二十春殿

御茶床當金鈿此器海篇進御膳咸以大金合托其內紋顯如豆子班是謂上品蓋歷落不糝糊耳

走筆再次西美韵兼簡季章

天教尤物伴閒身不為衣裳易介鱗莫效盧亭思辟毒

見本草其字從毒殆以此且同李閭賦潛珍釵金元重名兼器士庶不許

用金鈿
玳瑁器

飾帶空號假象真

金犀角帶襯口以玳瑁往往以假為之

久待尚

方叨賜予新涼來奏芟荷春

家有此杯及筆皆賜物也

次韵楊廷秀待制瑞香花

壬戌十二月二十日

灞橋忍凍兩肩攢漢殿含香別一般粉面固宜垂紫袖
錦裳何必著中禪禁庭侍史令同宿宮帽花枝故自藥
咀嚼新詩懷舊直刺貪寧不愧何檀

廷秀再用韻末句見寄易檀為蘭故亦不復從

前韵同前

修竹凌寒劍戟攢何如綺綉媚千般爐重錦帳朝衣夾
花顛金釵舞袖禪少態山茶空艷艷多姿梅蕊恨藥藥
西清垂意君知否應記清綾握舊蘭

丞相余處恭端禮挽詞

壬戌閏十二月

勲業良平亞聲名魏丙齊擎天安玉座推轂聚金閨鄉
聖休鵬翼沙堤望馬蹄新麾辭海上舊治樂湘西豈料
占飛鳥真成夢白雞公辛酉歲夢九重思帶礪三鎮有兒啼
昔忝同朝久公欣不我睽八哀空日誦一束幾時攜

楊子直秘書以一詩送小兒歸省又一絕及平

園花木校文苑英華併次韵發笑

癸亥春

老去何心悅盛華觀書無奈眼昏花但思載酒揚雄宅

細問三州二部家

從象隨卦云爾

栽花種竹滿平園人道安閑似樂天自咲鉛黃消永日
何如蠻素樂華年

壬戌冬至胡季亨伯信仲威叔賢相過落花一

朶正開置酒賞之王南劍偶遣矮人獻笑坐

中以開閉長短為戲因成四韵

霽色舒佳景寒醅艷玉杯
闕譏方且閉國色已先開
幸有佳賓客將何助笑吟
共言長至日底事矮人來

嘉泰癸亥元日口占寄呈永和乘成兄

歸田初不隔江淮底事新
元未往來賭酒彈棋真夢爾

年與兄以此守歲不覺天明
膠牙藍尾亦悠哉
莫思樂事年年減且

喜春花日日開兄弟相看俱八十
斫朱贏得祝嬰孩
趙永

年通判每云朱書八十字于襁褓兒額上欲其壽如此也

正二三日胡季亨及伯信仲威叔賢昆仲歐陽
宅之李達可同自永和來雨中小集疊岫閣
用金鼎玉舟勸酒下視梅林戲舉說命五說
戲祝六君蒙次前韻賦佳篇各徵舊事各以

一篇為謝荅胡季亨

癸亥

未復中原近守淮前朝該輔只時來濟川用礪我無事
作醴和羹何有哉正喜春晴知歲美頓招雨澍坐筵開
和詩更作齊兒女老手屠龍合拊孩

答胡伯信

舟浮江海達于淮不盡詞源袞袞來人是浴沂三益者
句成泛剡兩佳哉千鍾但使尊中滿九秩從教案上開
却憶兒童聚嬉戲爭騎竹馬弄泥孩

答胡仲威

元和頌聖雅平淮韓柳文章付後來聯璧照人今聚者
斷金定契古誰哉白醪勸我頻霑醉青眼逢君更懶開
會散東風吹面纈凍黎誤喜如嬰孩

黎凍記
坐上善

答胡叔賢

朱顏青綬憶秦淮，白鷺洲疑鰲駕來。
側畔交游欣作者，中間賡載負良哉。
新春漸覺風光好，陳迹時將日記開。

惟有詩情不如昔，旁觀撫掌倒綱孩。

李白金陵詩云二水中分白鷺洲城

上有亭，紹興戊寅分教時每登覽忘歸。自此日有記事已四十六年。今廬陵江中亦有白鷺洲，常創小樓會客，其上懷舊及之。

答歐陽宅之

安流咫尺異躡淮，有興何妨疊擢來。
茗椀茅柴殊易耳。

萍蘆豆粥豈難哉談鋒不怕通宵直燕席寧辭逐日開
况是上元佳節近華燈萬點看蓮孩

荅李達可

濁涇不必羨清淮社燕賓鴻任去來老子何曾憑日者
後生競合正時哉圓規枉把方心鑿塵世常令笑口開
八十老翁行未得不如能說小兒孩

周愚卿江西美劉棠仲各賦江珣詩牽強奉荅

用一字格

東海沙田種蛤珧南烹苦酒濯瓊瑤饌因暫棄常珍變

指為將嘗異味搖珠剖蚌胎那畏鷓鴣柱呈馬甲更名蚶

累人口腹吾何敢慚愧三英喜且謠

四明江珧自種而為大生致行都廣

南則惜之近方稍用酒漬乃能寄遠韓文公詩章舉馬甲柱閉以恠自呈即珧也廣韻亦注蜃屬可飾甲臨海志玉珧似蚌殼中有柱美

元宵煮浮圓于前輩似未嘗賦此坐間成四韻

今夕知何夕團圓事事同湯官尋舊味杜婢說新功星

燦烏雲裡珠浮濁水中歲時編雜咏附此說家風

再賦

時節三吳重

京詩貴浙東坡上元詩云三吳重時節

勻圓萬顆同波浮雖

有法煮豆豈無功杜嘉雲杪白徐方酒復中策勳俱是
秋適口不同風

茶園王琰求清暑堂詩次王民瞻敷文胡邦衡

早遮西日覓王官晚倚南窓審膝安疊疊清風揮塵落
紛紛蒼雪著筵寒花前白酒傾雲液竹裡行厨洗玉盤
江月上時涼意足四絃三弄瀉驚湍

陳正仲謹提刑制勅甫畢首過小樓既出新詩
仍惠手書十扇次韵二篇致感幸之意

終將疑獄決春秋便願居鄉馬少游犯斗海槎光斗野
應星漢節照星樓法書飛動鸞窺沼韵語清高鶴唳洲
田父鄰家爭借問頃來重客有今不

其二

早飛鵬鷲凜橫秋晚向山林正倦遊夢斷堯堦方寸地
身居陶隱上層樓山園遥對青原寺江勢中分白鷺洲

不值熙朝人遂性果能獨樂此園不

陳正仲提刑輒還嚴近正及郊裡索語贈別適

小圃芙蓉同海棠盛開笑令著句併成四韵

綉衣持斧大江南人在春風和氣間草合園扉秋綠縵
花開環堵曉爛斑席前宣室趨嚴召樂奏端誠赴近班
記取臨分留愛景芙蓉色鬪海棠殷

端誠殿在郊壇側
駕行禮畢動教坊

樂過此
受賀

月石屏蛾月硯詩

予初藏歐陽文忠公月石屏近復得端硯極發墨奴
蛾在其泓而受墨處乃一圓月白暈周匝挂蒲其中
似非蘇文忠公贈范氏涵星硯所能及蓋竒物也賦
詩呈諸作者

歐公命蘇公吟咏月石屏蘇公與范子酬唱涵星泓兩
公文字祥天界子墨卿嗟予何為者而得二美并屏也
歐青氈流傳到紫荆硯兮此尤物秋月端正生晶盤丹
桂枝瓊繞白玉繩姮娥寔天眼皎皎不自呈但留雙蛾

眉下鎮蟾兔精我生月斯望真契非強名烏玦磨有光
玄雲潤無聲願膺前賢句透膺令人驚

悼亡之後病齒不能食拔去其甚者有感賦小

詩 癸亥十一月

咀嚼勞劬八十年更因缺落拔其殘已無韓愈妻堪詫
只欠張蒼乳可餐

元樞陳叔達駢挽詞

淡墨名何早洪鈞轉稍遲藝文追伏鄭德業望臯夔寔

事常求是多聞更闕疑斯民先覺者今代捨公誰

其二

聯事麟臺裡論心鶴禁中賢愚雖有異出處不無同解
后仙山日

戊申春使陵下
公自城中相過

淒涼浙水風兒孫看競爽門

戶慶方隆

胡季亨漁圃中有觀生亭取觀天地萬物生意

楊誠齋賦二詩次韵

物我都歸造物中存神過化本同風靜觀此理怡然順

豈問深青與淺紅

其二

只道春榮夏乃亨誰知四序摠生生黃鐘大呂還相慶
上下方能著五聲

臨川貢士徐子比有十萬莊今唯一山歸然田
間立曰獨秀求予下語因記東坡以是名南
康田氏之峰就用此意致登科之祝

不須十萬億膏梁有美崔莊獨遣荒

先獨登第

獨秀佳名今


暗合要三二別四壺方

某

紹興甲子赴試此地卜居今十年三歷秋舉
每遇中秋必與新舊歌舞之今歲大病使令
輦散遣蕭然偶伯信仲威携子姪相過喜成

四韵

上元甲子此攻堅小築安居正十年登堞遥觀燈奪晝
歸家却賞月流天丹臺旋葺新爐灶絳帳都拋舊管絃
賴有故人將驥子功名不斷復青毡



文忠集卷四十三

欽定四庫全書

集部

文忠集卷四十四至
六

詳校官庶吉士_臣李傳熊

主事_臣呂雲棟覆勘

總校官進士_臣楊懋珩

校對官學正_臣李巖

謄錄監生_臣任嘉春

欽定四庫全書

文忠集卷四十四

平園續景四

宋 周必大 撰

銘箴辨

賀德章悅齋銘

紹熙甲寅三月朔

出見紛華其悅在人學而時習其悅在心澹庵名之誠

齋文之充甫銘之慶氏其承之

賀本慶氏避漢安帝諱改

靜庵銘

慶元乙卯正月

曾君伯虞年未四十不踐場屋不入城市力教二子
讀書闢一室號靜庵因故人歐陽元鼎索予銘

語靜之至何加于坤闢則生物豈勞吾形人生而靜毋
失其性不出戶庭能定能應

吳氏忠正堂銘

慶元丙辰十二月旦

忠則不欺正則不私一門弟兄三聖倚毗雖曰世篤亦
惟天資嗟爾後人念茲在茲

益壯齋銘

萬安歐陽豹字文齊年踰六十而決科之意未已名
書齋曰益壯請子銘之

伏櫪之驥心乎掉鞅燎原者火宿則彌壯有勇若人併
敵一向少固銳于功名晚益堅其好尚事竟成于有志
剛大身于無妄然後知楚丘之未始衰而伏波之猶可
將也

桂隱銘 慶元丁巳十二月十一日

徽猷閣學士向公伯共紹興間歸老節林龍圖閣學

士孫公仲益為作銘侈君賜今向公長孫文林士虎
濟美克家可仕而止復于其中增桂品桂命曰桂隱
力教六子森然有立請予銘之

衆鄉之林勿替以引肆其賁孫環桂而隱一椿未老六
枝其芳昔竇今向清芬相望仕不于身必在厥子同升
桂堂斯道如砥

愚谷銘

慶元庚申二月甲子

庾信小園賦云名為野人之家是謂愚公之谷今安

福縣鄉貢進士劉江伯深即舊居百餘步闕壤疏溪
栽花種竹隨其景物為燕息之所異時萬卷齋群玉
閣徒併以來摠名曰愚谷以慶元丁巳居焉予為銘

曰

惟古愚者其直迂後人反之飾詐有餘日倚市門相
引而趨暑汗其顏寒粟其膚狗苟蠅營得纜錙自以
為智鄙哉小夫家我庾信其志則殊字曰小山蓋靜者
與谷以愚名言寓其廬四時花木十丈崎嶇數竿之竹

盈寸之魚樂而賦之名實允孚之子欣慕亦新厥居有
圖有史可卷可舒有園有畦可植可蔬有邱有壺可陟
可漁有琴有醪可彈可斟春花秋月夏簟冬爐惟適之
安聊以自娛庾何人哉晞即其徒試叩斯谷愚智何如
谷似應聲子也不愚

達齋銘

竹亭二齋左置歐陽文忠公像叢公著述其間即公
自命名之曰達而銘之

學而上達知我其天歐陽稱老聞何與焉

竹亭二齋右置司馬文正公像叢公著述其間即公
自名命之曰迂而銘之

為政正名或以為迂温公曰叟孔之徒歟

坡谷齋銘

黼黻斯文網羅衆作既追先民亦紹後覺設其像萃其
文為之贊歲庚申

濂伊齋銘

道者大路達于誠明必欲深造莫如力行

香山樓銘

嘉泰辛酉二月

廬陵南四十里有香城山其名見唐皇甫持正所作
寺碣峻拔廣袤中一峯尤奇秀諺所謂文筆者胡氏
世居其下至忠簡公遂以直節修能名震當世歸即
舊地築冠霞樓坐致爽氣其孫程復為小樓于東求
名于予命曰香山蓋因持正之言寓白樂天高致為
之銘曰

節彼香山屹然中峯是生秀傑惟忠簡公危言危行崑
崑兩宗有開文孫復閣于宮瞻宜祖烈推本化工崑高
降神申甫實鍾錦屏不磨英靈無窮咨爾胡氏永亢其
宗

馮軫元芳琴銘 辛酉四月

雷氏斲之聲自開元馮氏寶之不知幾傳我非知音而
理可言心主于內手應乎絃故聲和可以仰馮意殺形
之捕蟬豈特哉大而歌南風小則治單父舉不出于

斯馬

箴

送綸丞郡臨川十以箴慶元丁巳三月戊子

蒞官以勤持身以廉事上以敬接物以謙待人以恕責
己以嚴得衆以寬養和以恬戒謹以獨詢謀以僉箴規
語女夙式闕瞻

吉州司戶

斤斤緩齋箴慶元庚申二月甲子

戶曹掌州帑廩或行獄訟事皇族括字仲肅甫官廬

陵以緩名齋西清楊公首為之銘而前進士周某又
為作箴

蒙莊著書假緩戲儒吟裘三年佩玦一夫寓言荒唐亡
是子虛孰如經傳衆說之邪薄征緩刑職分司徒議獄
緩死卦畫中孚秦砒晉疾和與緩俱上醫命名得無意
乎掾介諸曹盍反三隅勿以朱博嫉齊之舒懼其奮驥
易服走趨當師謝安理發自如豈為強禦不遲起居勇
義果得抑難此拘能定能應匪亟匪徐官皆有箴敢儆

于初

辨

辨登第金花帖子

王扶

押

王扶之孫題跋

祖宗朝進士用唐制禮部侍郎主文中選者以黃花牋小帖書其姓名主文花押已即持送之謂之榜帖得座主之科第者謂之傳衣鉢端拱二年太宗皇帝第三榜

尚書宋公主文第二人登科遂以是科付吾祖集賢公
實傳衣鉢士論榮之當時金花帖子藏于家踰九十年
矣熙寧丙辰孟夏臨因閱家牒感泣久之既標軸復敘
其始末云孝孫皇城使知鄜州軍事上柱國太原國子
臨恭題

承協奉硯

右王扶登科榜帖以黃花牋為之故名金花帖子熙寧
丙辰其孫臨記之矣後九十九年臨之孫奉議義民出

以示予乃隨其大小摹而藏之按皇宋登科記扶實端拱元年程宿榜第二人蓋太宗皇帝朝第六榜而臨云三榜且作端拱二年當考淳熙甲午歲十月五日東里

周某題

題盛京登科小錄

右盛京登科榜帖及小錄其家傳已百八十餘年商孫寓常之無錫貧不能守而同邑王駮左藏之駮洪景盧妹夫也故今歸景伯家初景伯丞相作本朝登科記自

慶歷後始有小錄悉書進士鄉貫前乎此惟咸平元年
孫僅榜亦然正以常見盛氏所藏耳是遂注云時小錄
用綾為之金花帖子誰不知榜帖偶粘于小錄之前本
是兩事豈可直以小錄為金花帖子耶予既摹其本又
列王臨所記于卷首使覽者無疑焉京蓋文肅公度弟
其後仕宦至今不絕此錄多公卿題跋姑撮知名者數
人附于末淳熙丙午四月十四日周某題

錄洪景盧容齋續筆

唐進士登科有錄相傳已久而世不多見予家藏咸平元年孫僅榜盛京所得小錄猶用唐制以素綾為軸貼以金花帖子先列主司四人銜曰翰林學士給事中楊兵部郎中知制誥李右司諫直史館梁秘書丞直史舒皆押字書四人甲子年若干某月某日生祖諱某父諱某私忌某日然後書狀元孫僅其所紀與今正同別用高四寸綾濶二寸書盛京二字四主司花押書于下黏于榜首其規範如此不知以何年而廢也但此榜五十人

自第一至十四人惟第九人劉燦為河南人餘皆貫開
封府其下又二十五人亦然不應都人士中選若是之
多疑亦外方人託籍以為進取之便耳四主司乃楊礪
李若拙梁灝朱台符皆只為同知舉右洪景盧既得盛
氏小錄又于容齋續筆十三卷中詳載其事予謂當時
所得金花帖子止謂高四寸濶二寸書登第人姓名主
司花押于下者與小錄自不相涉故盛京曾孫華亦自
跋云先伯佐登咸平第此金花帖子及小錄用綾既曰

及則為二事甚明予以王扶帖子并粘于前而辨景承
相之誤今申言之壬戌閏臘月戊辰某再題

文忠集卷四十四

欽定四庫全書

文忠集卷四十五

平園續稿五

宋 周必大 撰

贊

東坡像李伯時作曾無疑藏之命予贊之

龍章鳳姿揮斥八極天心月脇照映萬物孟子之氣莊
周之文瞻之在前尚有典型

徐涇教授求六一先生贊

我不識公而哀斯文稷言臯謨宋艷班香四海所宗一
鄉何有瞠乎若後

又求胡忠簡公贊

春秋尊王外攘夷狄幼學壯行終始惟一凜然英氣尚
父是匹揭之徂征可却回紇

宗室公衡真贊

信厚為質溫恭其儀視此標的盛哉本支

自贊

趙山甫使君為所部七十老叟記願索贊

元亮無適俗韻醉中強釋形神寔我青原臺上不勞半
道邀迎

友人曾無疑示予真索贊

懶逐溪風偶度雲聊同江月戲分身誰知鄭駟多佳客
也着駘佗一惡人

劉氏兄弟寫予真求贊時年七十

骨相屯氣宇塵濁不盈臞不清視汝形肖汝身無古心

無時名乃久生真幸民

梁光遠以予真着丘壑中時年七十

野岩非汝肖山澤稱吾臞珍重梁高士深知謝幼興

太和貢士陳誠之記予顏欲寘遠明樓昔白傅

年七十一寫真詩云鶴毳變綠髮雞膚換朱

顏予今年適同慶元丙辰六月八日

魏樓必欲稱元龍須寫褒公與鄂公鶴毳雞膚吾老矣

祇宜簞笠釣船中

慶元丁巳予與伯威歐陽兄德源葛兄三講丙
午齊年會德源之子玠繪三壽圖求贊月日
皆丙午也

三為衆一日壽粃糠前珠玉後非面朋乃益友松竹鶴
同耐久

寧都宰傅子淵薦邑士危正記顏求贊予癸未
夏過此邑元祐明士孫志康志舉之姪名札
字宣季年八十三所居號延春閣而二十里

間桃林寺有泉焉四月水生八月即竭號過
夏泉金精道觀七佛僧岩皆近境勝地今三
紀矣慶元戊午十月五日周某書時年七十

三

無漢臣之功圖形凌烟無唐人之文寫真集賢昔假途
于處化今夢想其山川孫氏延春之谷桃林過夏之泉
蔽虧金精之洞坡陀七佛之岩豈無高人與隱士如我
白髮與蒼顏雖未能往從之游尚持此真諸其間乎

南城吳氏記予七十三歲之顏戊午十月丁亥
蟠木離奇病鶴摧頽以若形骸而卜襟懷無才無能不
競不猜

聶倅周臣寫真求贊

靖康樞臣聶公之孫士友佐郡廬陵兩行州事邦人
德之代還臨川反記哀顏使之下語倒置甚矣題此
以約後會庚申三月丁巳

三年監州再攝州家置繪像爭借留便當紫綬朝冕旒

念我青笠操漁舟攜此鼠目而麈頭歸東高閣已春秋
他年持節尋舊游却校形容知似不

紹興甲子予待試廬陵辭曹廳是秋失解後六
年乃與計偕考官七人今惟提刑少監趙氏
獨壽而康其子仲肅來為掾即詩人堂之西
闕小齋記予肄業之所寫真贊併題二詩

未冠來隨舉子忙當時已似失林獐而今年貌那堪貌
手種堂前樹亦蒼

五十餘年一遠庄耕夫雖老未拋荒審言堂上新司戶
于後書中願十郎

高沙曾忠佐良臣築思堂以念親傍闢書閣肖

楊誠齋及子像求贊嘉泰二年正月五日

德行淵濶曾參曷遺蓋生也後其年可推遙遙華胄古
今與稽誠齋則賢我愧思齋

蜀儒先楊繪元素釋論語四科云孔子在陳年六十
參年十六歲則是年方志學或待父督未必在行且

舜大聖二十孝聞參猶未及遽許終身可乎此非子
游文學比也

游元齡登仕寫予真求贊

壬戌二月十二日

休誇歲歲花相似莫嘆年年貌不同閒伴長松與龜鶴
免將開落問東風

東城吳伸兄弟寫予真求贊

方丈蓬瀛早陪羣英鳳掖鰲局中敷帝文晚侍嚴宸徧
持樞鈞若非精神滿腹容貌動人何歛順而折額弗走

俗而抗塵豈所謂相形不如論心見面不如聞名者耶
門客鄭安世寫壽星求贊

誰把江西一幸民
強摹南極老人星
宮龜鶴鹿明三壽
伴我松根劖伏苓

趙倅彥燦寫予真求贊

靖康丙午大父倅吉行州事而某生於吳門丁未戊
申間先公奉使湖湘挈以歸省今七十五年而皇諸
孫德輝由別乘代還寫哀容命之贊壬戌五月望

王父當年此治中嗟予鬢角未成童只因闔郡攀尼軼
何事偏圖鶴髮翁

英德邵守之綱記予哀顏戲題數語

使君燕頷虎頭法當萬里封侯宜伯巴蜀而之廣繪象
祠于兩州鈴閣雖非麟閣胡為畫此獼猴亦如杭人效穆
仲獻笑于坡代俳優耶

登仕郎張武來求一言因記哀顏就以勉之

德人之容如玉其溫參前倚衡以瞻以儀我愧于是將焉

取斯所貴者三歸有餘師

予乾道中嘗除延平守閩憲皆當赴而晚改富沙趨行甚峻亦不果赴今郡人吳山民寫真

求贊因以遺之

壬戌七月

三度除書下七閩勸回深愧北山文勞君為寫山中相要與邦人識使君

永豐監稅黃思義寫真予于大椿之下戲題

鬢髮皤然八十春若為百倍比莊椿藉令十此如彭祖

亦是雞窠九世人

張牧仲寅寫予真倚松而立戲贊

曾陪漢幄運前籌也忝分封萬戶侯未問家傳黃石法
且來閒伴赤松遊

陸務觀之友杜敬叔寫予真戲題四句他日持
示務觀一笑

西百官中識放翁四年上下日相從如今鶴伴山雞舞
羞對雲間陸士龍

李卿月子西記予七十七歲之願求贅

太白天才丐後人有時佳句似陰鏗我無飯顆哦詩苦
枉被渠嘲太瘦生

鄭準廣文赴官九江攜予真索贅

曾為匡時十日留今猶化蝶夢江州憑君五老峯頭問
員外容添此老不

吉水贊府王覲時可為平園寫真口占

皓首相逢涉四年君歸鄱水我螺川清風明月思玄度

試展丹青即儼然

徐教授涇馮子真求贊

雖非戚戚小人儒亦豈堂堂大丈夫
寫向廣文官舍裡
魏冠為我講唐虞

一甲子前與齊源李綦儀之遊從贛上令其婿

謝幼學傳示哀容為題四句

癸亥三月

早同短李客南康
晚識渠家玉潤郎
自笑頭顱并目睫
依然如鼠復如麀

山谷自贊云作夢中夢見身外身福唐曾錫盛
談西湖水晶宮之勝因寫予真用此意題四

句

大患都緣有此身
咲看身外假為真
夢中更作西湖夢
誰謂先生不到閩

予平生願學忠恕既以自勉亦告于人玉牒正
則聞而悅之歸作唯齋九萬里風斯在下矣
寫哀容命之贊甲子二月庚申

中心為忠如心為恕勉强行之道其殆庶苟憎酸蔑之貌惡而廢一言于堂下音戶則所謂唯之與阿不能以寸而相去矣

教官福唐劉季新寫陋質道以羽容索贖還鄉福乃提刑臺治僕嘗出使陞辭而留情見乎

詞

帶山負海都督全閩臨遣綉斧言輟其行夢想樂郊或勤宵征令威化鶴會遊遼城

本覺長老祖宏為老兄弟寫真求贊次七兄韻
幅巾短褐雁行秋石照青銅不倚樓今耄昔童無異性
世間寒暑任遷流

能仁監寺智超為予寫真求贊

丙辰下元日

前生坐下一高僧失脚中元自此辰

予解夏星

但記本來真

面目何須悔見宰官身

德回上人寫真求贊

非律非禪自在身免丁不納沒公明憑知未是龐居士

且可題為破戒僧

贛州豐樂長老惠宣寫予真戲贊時年七十三

戊午十月辛巳

少年日醉鬱孤臺
鼎立三禪屢往來
豪氣雖存誰復識
形容變盡鬢皚皚

青原祖登監寺屢問予久不入山寫真戲題 戊

午臘月八日

欲作青原掛塔僧
傳聞米價逐時新
繞腰三篋非難事

空腹何能念葛藤

予久欲遊仰山而未暇行者智印寫真求贊

家居只在仰山旁自笑痴蠅凍守窻也解分身千百億
從來一月印千江

安福院岳興院希琦求予真贊

僧房何事俗塵同索我精神阿堵中有相要知皆是妄
發真那更隕虛空

覺報長老道謙寫予兄弟真求贊次七兄韻

身凡心聖古盧能未着袈裟已是僧冷煖自知師莫問
但看老色幾分增

龍堂縣宗懋寫真求贊次七兄韻

相將尋壑復經邱漱石何妨更枕流得法龍須隨七祖

兄弟二人
同嗣曹溪休官即欲繼牛頭

予年十四五時子中兄讀書贛州壽量寺久之
寺為寇燔其後子中出守一新之今小兒綸
又將佐郡他日當訪舊遊因主僧慈濟寫真

題贊

志學今經六十年招提仍對舊山川
令威化鶴重來日頂似初顏雪被肩

隆興癸未夏余年三十八自掖垣奉祠歸遊麻姑山今又三十八年而知觀李唯賓緣化修

造至廬陵馮予真求贊

辛酉三月

古觀今猶換采掾壯遊我合變華顛
方平再過憑相報欲往從之問海田

福壽院僧淨高寫予及子中兄真求贊次子中

韻 辛酉四月

弟兄本自讀儒書晚外形骸付六如摩詰文殊俱默默
從教似我與非吾

堵叟智庄僧德永寫余真求贊

辛酉十一月

昔方三五少年便作老婆心切今已八十老翁却學小
兒口說如何不言不語莫問是同是別只願年豐飽吃
肚皮解了三條淺

祥符長老智華寫余真求贊

五蘊皆空四大和合昔者逢場東塗西抹今茲面壁有
問無答是耶非耶任師指撥

法華院僧祖月寫余真戲贊

老子七十七到處遮人壁住世更十年化身千萬億

僧智印寫乘成平園仰山三人真求贊

年正月甲寅

四海彌天兩誕誇人三為衆轉周遮明知諸相皆虛妄

弄假為真有甚耶

天慶知觀蕭惟清寫予真求贊

塵滿形容雪滿頭分無仙骨到瀛洲希夷更請旁人看
曾急流中勇退不

廬陵道士羅尚逸能醫眼善奕自湘中歸寫予
真求贊復遊湘中

黃冠多藝從仇仙處士圍棋伴樂天我不即師師即我
胡為邀我泛湘船

清源知藏僧法源寫真求贊

精不搖神不驕鬢任髡顏任凋人擾擾而膠膠爾寂寂
而寥寥知壺子其誰何異漁父之堪描往壁觀以默照
免室邇而人遙

金牛長老德鎧寫平園真求贊

甲子正月庚寅

經傳白馬寺假金牛祖意西來江水東流于我何有色
見因求千帆任過長對沙洲

使臣周允寫平園老叟真于松竹龜鶴間戲贊

嘉泰辛酉二月乙卯時年七十六

松可以傲霜雪竹可以延風月龜巢葉而養氣鶴鳴皋而戢翼寘閒身于四物聊竊名于五一

使臣宋千齡寫平園老叟真于松竹之間從以

鹿鶴龜求贊

壬戌三月壬申

向來結綬事華勳老去抽簪愛水雲但得松筠無異藥何如鳥獸與同羣

提轄官鍾勲及其子可久寫平園真睨蟾倚桂

為生日壽

元豐壬戌中元之夕仇池飛仙浩歌赤壁今兩甲子明
月猶昔嘉爾父子記我顏色丹桂婆娑銀蟾皎潔願言
永輪常圓罔缺

使臣俞允迪赴萍寔稅官寫平園老叟真求贊
往來四度過萍鄉斗寔誰能辨有亡爾欲關如對我
莫增酒課罔征商

予刻文苑英華千卷頗費心力使臣王思恭書

寫校正用功甚勤因傳于神戲為作贊

倚樹而吟據槁梧自憐爾雅注虫魚汝曹更作書中蠹
不愧鯤鵬海運歟

使臣李汝發寫平園真求贊

人皆炎熱之畏我愛夏日之長耳百尺之松風挹雙沼
之荷香髮固知其種種容何事乎堂堂尚從遊于留侯
免形似乎六郎

直省官李端義求平園真贊

形若性皆天與常用汝不為虎非詩苦瘦如許以貌取
失子羽

文忠集卷四十五

欽定四庫全書

文忠集卷四十六

平園續葉六

宋 周必大 撰

題跋一

家藏御書

家藏法帖書畫碑刻

高宗御批陳思恭奏劄跋

建炎己酉七月高宗幸金陵平寇將軍范瓊跋扈伏誅
瓊為河北制置使時王彥聚兵大行黥其面曰誓殺金
人不負趙王號八字軍瓊嘗統之至是彥為御營使司

統制以此軍歸彥又分瓊餘兵四千七百人付神武軍
統制陳思恭思恭本韓世忠部曲是春苗劉反自平江
從世忠勤王有勞既得瓊兵遂乞衣甲御批依奏下有
御押歲久敝紙臣偶得之亟加池飾嘉泰甲子正月丙
寅前史官周某謹記

淳熙戊申國書跋

淳熙十五年十一月五日丙申遣中書舍人鄭僑及武
臣張時修充金國賀正使副明年正月二日葛王俎僑

等不能成禮而回二月二日壬戌適值光宗受禪九月
己巳僑等入見上深患之令將元國書徑納丞相收不
必再奏禮物等國信所自令發付所屬亦不敢奏將從
官尚謂不開陳常例使副轉官嘉泰甲子重陽日

光宗御書跋

乾道壬辰春臣佐春官兼直翰林院坐不草新除兩簽
樞荅詔以外祠罷光宗在儲極對官僚數惜臣去淳熙
乙未召還孝宗簡注方厚自兵部侍郎選兼端尹光宗

寔替之陪侍六年凡御製御書或面賜或簽名封送真
行粲然室藏多矣逮戊申歲獨在揆路孝宗將內禪屢
令留身討論典禮初儀已酉春北使出門即擇日傳授
偶聞太史局言二月太陽蝕九分臣密奏云太子聽政
決旬不應便講之禮可少展否孝宗大以為然曰朕亦
可以當灾遂定上旬壬戌吉因奏太子生于丁卯是日
天地合德猶陛下生于丁未而壬午歲受禪也退不敢
以語人至正月末春坊姜特立相過云宮中人人知上

元後舉典禮今悄然何也但遜謝云此非外庭敢與聞
特立不悅而退意間言或自此入輔初政之三月內外
相睥睨遂請罷政紹熙庚戌起鎮鄉部避言官懇免明
年三省擬鄭僑帥長沙光宗曰周某某前宰相合先除授
乃知天心念舊非我可度甲寅選位後數月臣亦謝事
君臣契合固亦偶然比敬哀高宗孝宗御書一二大者
刻石附以光宗翰墨各為之跋恭念紹興庚辰孝宗封
真王三皇子共置小學教授一員專差館職選校書郎

王十朋充領之十朋輪對力攻楊存中又在王邸議賓
主禮異同十二月壬子選小解兼職徒越之宗丞而去
館職多闕臣任正字為之首宰執不欲自下越進他人
特降諭旨云今後王府小學教授闕館職學官通差殆
為臣設明日遂用國子博士劉藻丙辰擢藻祠部郎官
當解教授而不解新制墨未乾也是則光宗就傅臣不
得一至講堂詎知六年居詹省乎敬書以示子孫使知
被遇三朝本末如此為臣不易雖幸已免于大戾歸美

報上老矣無能為也抑詩有之倬彼雲漢為章于天言
天子為法于天下也又曰追琢其章金玉其相言萬民
觀而樂之也臣之志願不在茲乎嘉泰四年二月日

題山谷和郭內翰長篇

郭公諱知章字明叔吉州龍泉人事哲宗為臺諫從官
徽宗朝歷刑部尚書翰林學士帥太原尹開國史有傳
予少時見友人羅良弼云郭明叔乃薄陶淵明心頗疑
之後得公文集見元豐間宰分寧贈黃太史長歌其末

云功名時來亦自然跨風絕海非為難肯學陶潛歸去
來虛名浪得傳人寰然後知其壯年志在功名屈臨一
邑不忍學淵明棄印綬而去庶幾善學柳下惠者耶太
史此詩即當時和篇亦知其銳意從事故慙患之尋果
用鄭雍顧臨薦擢為御史多冠言路之句驗矣

自題寫真

此淳熙庚子予記顏也時年五十有五觀者以為酷似
七兄替之今十五矣髮白面皺殆如他人所謂君顏老

可憎特未知常何性依然否如魚飲水冷暖自知紹熙
甲寅十二月十日子先題

題薛元亮老杜醉歸圖詩後

薛元亮名士宋臨川佳士紹興間從許子禮李西美諸
公遊此詩乃其鄉人梁世昌名光遠錄以示予慶元丙
辰六月八日某題

題六一先生手書後

右熙寧間文忠公與趙彥若先考帖江端友跋云先祖

非戲言蓋往時風法華至人家見筆便書初無倫理公友江隣幾舍人亦以公見筆輒書戲比風僧此說載公文集試筆門端友即隣幾孫也慶元五年二月癸未周某題

題蔡君謨草帖

慶元己未仲冬餘干徐君未赴安福宰攜此相示謂是君謨真蹟參以後帖又似他人作不能定也因命筆臨本真秀岩平園老叟周某記

題唐人臨王子敬帖

王子敬異文帖杜氏所藏云其祖正獻公并蕭楚公華陽帖得于蕭氏之裔孫相傳唐人臨本或者楚公所臨耶

題吳說書

此書乃吳說傳朋書而劉季高用名字及杼山三印意其愛而畜之爾嘉泰二年八月二十四日平園老叟周某題

題蕭楚公帖

蕭楚公自負竒節未嘗以書名而字畫亦甚可觀蓋唐世風俗其雅尚如此嗚呼士大夫風俗根本其所當勉者何獨此一藝哉

跋王獻之保母壙志

右嘉泰癸亥越人掘地得古碑乃晉興寧三年己丑歲王獻之保母李意如壙志也云善為文能草書王謝奴婢定小異耳又有小碑背刻王獻之永和五字二者以

致行都別鑄此本四明樓尚書鑰摹以相示字畫固妙
其辭則有望于八百餘年後守官之人自興寧距今八
百三十餘年預知如此蓋當時卜地如此斯時之郭璞
輩固不乏也五月二十八日某記

題米禮部參星賦真蹟

右米禮部參星賦筠州集本以為首篇其間意同詞異
者多具列如上今秘閣有石刻字畫稍大此卷收斂豪
逸秀傑痛快尤可愛重紙背題詩一聯不敢慢也嘉泰

癸亥秋池州故人文思提轄葉楠之子之真自所居鉄
園山附遞壽予其意厚矣乃標軸而識之七月望日平
園老叟周某題

題孫氏四皓圖

嘉泰癸亥池州故人子業之真既以米元章參星賦真
蹟為予壽又寄四皓像絹僅盈尺前有印文云孫汝節
筆而之真以為孫顯節不知何時人蓋名畫也上有蘇
文忠贊元祐三年二月楊次公書東坡諸集皆無之因

記乾道庚寅二月過京口遊金山妙高臺壁間有東坡
族伯成都中和院僧表祥繪公像公自贊云目若新生
之犢心如不繫之舟要問平生功業黃州惠州崖州其
為暮年所作無疑諸集亦不收乃知平生遊戲翰墨散
落何限如去黃日戲贈李琪詩偶見于李遂詩春渚紀
聞之類是也八月壬戌平園老叟周某書

題祖妣秦國潘夫人書

右靖國元年辛巳祖妣秦國潘夫人從祖父初任圻州

司法時與鄭州叔母姚氏書富文忠公弥生其云奉文
乃運使金紫及奉使太師小字後批三管散一行金紫
年十四代寫常記祖母張秦國道祖父之言舊小史事
上官極恭太守禮上法曹與他掾窄裏捧按此書亦云
起五更每日兩衙極邊小壘事體尚爾况藩府乎今儀
門外雖有州縣官于此下馬牌然背肩輿直造客位初
到畧展衙禮遠不過三日近則是日亟免并記此以示
後人嘉泰三年十月旦立石

題樂毅論

右夏侯泰初樂毅論以世傳兩石本校正與史記本注
時時異同歐陽引文選所載今無之不可曉也嘉泰甲
子三月乙亥周某記

雜題跋

題新安吏部朱公喬年稿

右吏部郎新安朱公喬年家藏王荆公進鄴侯遺事奏
稿一通與集中所載增損不同未知孰是定本公之子

元晦為某言先君子少喜學荆公書多儲真跡唯此紙有跨越古今開闔宇宙之氣將屬江西常平使者汪季路刻石臨川仍抄日錄奏對家傳本語附其後幸為我知之某亦切怪宇公黑獺蘇綽能以區區西魏置府兵強其國及熙寧全盛之時欲創上番義勇則反以為疑獨何歟蓋東西魏之分孝文立都關中僅有隴右河西之地風俗尚武兵農未判用新造之偏方行一切之號令故為力也易今以百年無萬里之中國一旦將復古

制兵重于括事而欲詢謀僉同革習俗之已安故為力也難昔者堯舜三代雖曰明道制衆然美成在久立政造事亦非一時所能備彼西魏享國不長降周迄隋濟以唐太宗之英明方覲成效荆公因聖語而謂其施有漸蓋知此矣厥後謝昭文表復云苟貪歲月趣就涓埃是又知時難得而易失耶故詳論之使後之君子得以考焉紹熙五年二月

跋汪聖錫與武義宰趙醇手書

王山汪公名重天下人得尺牘榮之今觀此帖則于舊
僚趙令傾倒至矣其人亦可推也公中年嘗苦目疾頗
憚親染虞丞相雅善公公帥蜀時因占吏得書遂稍相
失公為予言如此其後數與予通問皆季路代作當時
翰墨已難得况今日乎况後世乎紹熙五年四月旦周
某題

題東坡桂酒頌

東坡自海南歸文章翰墨所謂毫髮無遺憾波瀾獨老

成者桂酒頌其一也今閩浙川本皆以心服為心腹御
瘴為禦瘴輔安五藏為五神殆隨手有所跋定耶紹熙
五年五月五日故人徐思叔赴曲江幕官攜以相示敬
題其後他日或呈似韓使君刻石置九成臺銘之側亦
奇事也周某予充甫

跋德化縣陳氏義門碑

胡周父史筆文華著聲三朝義門碑甚有古風中經兵
火得墮宰呂仁甫表而出之又可傳遠予恐石本頗艱

為刻板付陳氏裔孫兼善使攜以歸凡族人皆當遺之
一本惟其有之是以似之尚其勉旃高山仰止景行行
止予亦庶幾焉銘以居官為若官疑後來碑誤紹熙五
年十七日

題吉州司戶趙彥法所藏山谷帖

紹聖元年甲戌夏山谷得郡武昌未赴坐蔡下奏乞疏
問前修神錄詆誣事改授亳祠即開封府界七月至陳
留寓東寺之淨土院院有深明閣書此二詩贈表侄李

繩武翰墨煥然照人時年五十是臘貶黔州後一百年
紹熙五年甲寅八月旦周某敬觀

題汪季路所藏書畫四軸

右汪季路所藏歐陽文忠公在政府與蔡忠惠公兩帖
其一蔡公親題十事蓋嘉祐八年八月自翰林學士右
諫議擢三司轉給事中正除三司時也其一稱端明侍
郎則後二年當治平乙巳三月解三司除端明殿學士
轉禮部侍郎出守杭州時也李昉乃尚書都省令史見

文忠公祭石曼卿文殆亦忠惠故吏耶後人但謂二帖有遺剔往復之語後又適題二十六二十九日遂以為後先之序宜正之紹熙五年九月旦周某書

右高學士家樂毅論歐陽文忠公集古錄跋云碑石燬于回祿而尤延之謂無錫徐氏蓄此碑殘缺已甚得非後人摹刻者耶乾道己丑同年楊志道又以文忠所藏刻之金陵其失愈多茲乃天錫楊氏舊物近世士大夫家無而僅有也紹熙五年九月旦周某書

蔡忠惠公大字端重沉着宜為本朝法書第一紹熙五
年九月十二日

吳畫在唐已有妙絕動宮牆之稱况數百年後乎哉或
謂縑帛久則飛揚湏良匠乃能補葺今赫蹏如新何也
然滄浪東坡翰墨在前後來名勝跋語可盈軸

跋劉賓之浩然集

故人李盛祖文力學能文辭然狷介少許可嘗著章貢
志郡有大家事寔當書而丐婉其詞者正色拒之坐是

獲謗怨弗恤也獨為門人劉君昕作沈刻極道其孝于
事親與人交重氣槩不幸嗇于壽一子江童非巖然期
有以立已而遂與計偕念君之不及見也哀平生所為
古律詩五十篇求工部尚書謝公昌國序而傳之觀此
可以知吾祖文非諛墓者矣紹熙甲寅十月甲辰

跋何居仁自作墓誌

故修職郎平江吳何安宅字居仁長予十六歲紹興辛
未同上南宮是春朝廷待陳公景明使還知舉試期特

緩四方舉子知秦丞相以言語罪人會于逆旅不敢及時事獨居仁學廣文多泛語古今聽者惟恐後如司馬長卿之傾吐也已而高談濶論頗為鄉校之議其去者亦惟恐後又如列侯陳遵之鷲座也今四十有四年追思如昨日事適其子鄉貢進士挺出示居仁自作墓文太息書其後紹熙甲寅閏十月

題宜春李椿詩卷

始予自湖南歸江西以紹熙甲寅正月三日過宜春得

郡人李椿永年詩書各一通知其種學積文非一日也屬客衆且予亟行不及歛冬十一月十有三日李君復盡寫詠古詩三百篇攜以相訪蓋平時玩味經史遇古人窮達利害成敗得失有會於心者各為數韻以紀之議論折衷往往出人意表彼胡曾絕句未足道也求予識其後老詩荒廢莫能措辭回思少年間有是作姑錄一二為答夫投我以驪珠報君以魚目貴賤固殊矣捆載而往垂索而歸得無為鄉人所笑乎

題曾伯震所得子中兄二絕

子中兄自數歲已能詩稍長凡古人篇章無不窮極根源採擷菁華中年以後深味禪悅雖遇興間有賦詠要非所好也三十年前曾以一二寄予今詩人陸務觀一見謂句法入律無愧古人識者以為名言曾君伯震得此二絕句可以自信不疑坐進此道矣慶元乙卯二月十二日

題李玠叔詩文

李公諱孝先玠叔元祐元年賀范忠宣入西府啟草如
右又嘗有詩題餘干縣干越亭云吳越猶干地要衝樹
亭危岸勢憑空春潭倒影黃昏月古木喧聲白晝風鷗
鷺慣未窺讌席烟雲無着護簾櫳淒涼故國多遷變獨
有溪山在望中誦此詩觀此啟則公文行宜為忠宣所
知惜乎忠宣大用之明年公遽謝世又明年而忠宣遂
相不及引類當時惜之雖然豐積畝取後世將昌豈必
在其身耶虞部乃豐以前官稱至元祐則當易朝奉郎

因孫奉新宰兼遠示遺墨為詳記之慶元己卯二月五日周某子充

題陳誠之遠明樓記

陳君誠之示遠明樓記而請曰宜秋宜春山谷誠齋已各言之起居飲食與四時之景接賢兄之論則然弓公補其說予曰夏宜急雨有瀑布聲冬宜密雪有碎玉聲如此則四時備矣誠之曰樓覆以瓦似非所宜予曰六月捲簾森映山之銀竹同雲垂野從玉帶以萬妃憑闌

送目宜乎不宜誠之謝曰宜哉慶元乙卯三月十二日

跋百醉夫趙士瞰詩卷

味百醉之名誦三百之詩公蓋師友陶靖節者晁景迂
乃謂得句法于江西殆由禁錮初開詩社勃興人以著
錄為寵故一時之言如此若李雲龕陳簡齋汪龍溪跋
語則不易之論也慶元乙卯四月十六日

題劉昌詩母墓誌

唐人欲銘其先世必得韓雲卿之文李陽冰之篆擇木

八分書乃稱三絕今劉君昌詩有賢母之沒也鄉人徐
思叔為志謝昌國題而趙從善書之蓋庶幾焉慶元乙
卯六月八日周某書

題謝昌國與朱陞書

尚書謝昌國稱嚴陵朱君陞公廉勤敏元樞黃德潤從
而寔之蓋嘗任左藏西庫監官上戊申大禮會計冊知
諸路郊祀之貢區處得宜入可支出且有羸焉其居官
不苟類此秩滿格當擢用以未脫選階一轉而為杭州

宜廣宰尚有可諉曰大邑也今再展乃為英之舍光是
特瘴鄉三家村耳何其愈下耶君曰某歷十二考為王
官者為壯縣尚闕職司之事良由中朝近地英俊所聚
無有取知于人故欲求諸遠爾予曰錐處囊則鋒必露
鶴群雞則潔易知通籍審官其在此行乎充子之公庶
勤敏可也慶元乙卯六月十日周某題

跋蕭唐叟時庵記

蕭君唐叟嘗示予以易說矣今以時名庵而求宜春

歐陽永年為之記謝公昌國楊公廷秀為之跋而予
一言夫艮止也其彖乃曰時止則止時行則行君既有
得于此予固無以伸其喙雖然剛柔者立本者也所以
況卦摠主一時之事也變通者趣時者也所以況文就
一時之中而趣其所宜之時焉是道也豈特艮而已自
乾至未濟諸卦皆然夫惟君子而時中然後動靜不失
其時其道光明君其勉之慶元己卯六月十八日周某
題

題顏魯公書撰杜濟神道碑

右顏魯公書撰杜濟神道碑沉着端重真可入木八分
友人曾三異無疑寶藏之按六一先生集古跋謂殘闕
不能成文今乃粲然可讀得無摹拓有先後耶濟蓋魯公
友婿故又志其墓云六一先生亦有跋云顏撰而不云
書筆法非魯公不能為世頗以為非顏書更俟識者辨
之今攷魯公文集大抵碑詳而志畧亦微有異同如碑
以濟祖仕明堂丞誌則云令碑以濟為惠第二子誌作

第三又碑與誌並歷渭南宰而文集于碑中乃以為尉
皆傳寫之誤當以此碑為正慶元己卯六月二十日周
某書

跋金給事彥亨文集

某幼學之年已聞黜敏金公彥亨為名御史論擊權強
無所避紹興戊午春以母憂去朝服闋秦丞相抑而弗
用凡二十年當己卯歲高宗以宗正少卿召還歷禮部
侍郎給事中壬午六月壽皇初即位眷待良厚是秋某

以起居郎兼中書舍人同在後省見公直諒多聞年高而德劭每與從官嘆其不可及吏部徐侍郎度因為某言政和宣和後生少讀史一日沈狀元晦以博學至京師東南士子翕然從之來者滿門聞舉古事莫不竦聽惟公在下坐數搖其首鄉人問故則云其事非也退而考按信然蓋公于史傳皆能默記叩之往往成誦迄今不以史書自隨其學問可知矣此某聞而知之者也若夫事上不欺聞義則徙某所親見又有可紀者宜表而

出之九月己未某兼西掖之二日有旨婉容翟氏進封
本位官吏並合推恩內礙正法人特與轉行即壽成皇
太后也時給舍例同銜緞進某密語公妃嬪位非中官
即醫流皆礙正法前德壽推江上扈從賞今上覃恩並
不轉行止令回授似當論奏公嘆曰君言是也近夏賢
妃位推恩某寔未曉已書牘行下今恐相戾君自緞奏
可也某曰若爾尚可商量庚申講筵公與某皆以職事
留身初不知公奏何事某侍班廷下望見公再拜殿下

公退而某升甫至榻前上迎勞云朕初止謂卿能文適
金按節說卿欲論婉容位轉行碍正法事不謂卿剛方
如此可便進文字來方悟公自引前事以為失也章既
上御批十三字云依奏夏妃位官吏亦依條回授後三
十四年公之孫承直郎鑄錢司檢踏官荒持公文稿二
篇求予一言因題其後非獨著公盛德補家傳之闕亦
以彰壽皇從諫如流轉圜他日史氏或有考焉至于文
辭典雅如其為人識者自知何待贊也慶元元年九月

日具位臣周某謹書

跋范丞相覺民謝罷政表稿

庚戌夏五月高宗行在會稽高平公自參知政事拜右
相年三十有一明年改元紹興秋七月坐討論事罷政
奉祠故謝章中有惜名器裁苟得之語汪翰林草制猶
引敬王如孟子選衆舉臯陶可知其無他矣本朝唯王
溥初相時年三十二然其除拜乃在周朝非公比也未
強而薨不及再用迄展經綸之蘊惜哉慶元元年十月

二十八日前進士周某題

又題范覺民與諸人唱和詩

耿伯順韓子蒼范元長李西美李得升謝任伯宣和以
來文人才士也高平公或同侍從于靖康之朝嘗引類
于南渡之後觀此詩軸唱妍酬麗三嘆而有遺音矣慶
元元年十月二十八日前進士周某題

跋張忠獻公荅宋待制手書

右張忠獻公紹興九年秋起鎮長樂荅徽猷閣待制宋

公景晉手書一軸不過數十字而公私故舊情意備
焉宋公曾孫文成謀刻之石初李伯季為靖康執事景
晉以侍從充發運使徽宗南幸時皆有調護歸京闕之
勞其後伯紀帥洪宋為寓公此其所以眷眷也慶元乙
卯十一月三日周某題

題張右丞如瑩奏疏

澹岩張公以文章才畧被遇高宗越即位之三年自蜀
拜尚書右丞適值苗劉反逆豫政兩月而去平生奏議

號為通達國體當紹熙五年春敵兵初遁高宗用趙忠簡公奏詔宰執條具善後之計公上疏五六千言援古証今事事皆有規畫而使久在政地盡行其言何患不為名宰惜哉慶元乙卯十一月二十一日前進士周某題

跋六一先生跋杜濟神道碑


右六一先生跋杜濟神道碑蓋集古第四百五卷也今吉水縣鄉貢進士曾三異有此碑而未殘缺其文可讀

得非嘉祐以前舊本歟慶元丙辰周某為皇諸孫彥法題

題獨孤延壽碑

唐歐陽褚薛皆以書名此碑精勁可愛不知出于誰手
趙明誠金石錄之第五百九十五謂无書撰人姓名今
其前乃題于志寧製文又謂君諱某字延壽名殘缺不
可辨今熟視之名左從言右亦彷彿可尋至于隋唐間
多以字行則歐陽文忠公跋顏勤禮神道碑論之矣友

人曾无愧持此相示為題其後慶元丙辰正月癸卯平
園老叟周某題



文忠集卷四十六